

四庫全書

集部

欽定四庫全書

集部
稼軒詞卷四

詳校官中書臣呂光復

侍讀臣孫球覆勘

總校官庶吉士臣何思鈞

校對官助教臣卜維吉

謄錄監生臣戴瑛

欽定四庫全書

稼軒詞卷四

宋 辛棄疾 撰

玉樓春

席上贈別
上饒黃倅

往年寵從堂前路路上人誇通判
雨去年拄杖過瓢泉
縣吏垂頭民歎語
學窺聖處文章古
清到窮時風味
苦樽前老淚不成行
明日送君天上去

又

效白樂
天體

少年才把笙歌釀夏日非長愁夜短因他老病不相饒
把好心情都做嬾故人別後書來勸乍可停盃彊喫
飯云何相見酒邊時却道達人須引滿

又

用韻舍
葉仲洽

狂歌擊碎村醪釀欲舞還憐衫袖短心如溪上釣磯閒
身似道旁官堠嬾山中有酒提壺勸好語憐君堪鮓
飯至今有句落人間渭水秋風黃葉滿

又

用韻舍吳
子似縣尉

君如九醞臺粘醖我似茅柴風味短幾時秋水美人來
長恐扁舟乘興嬾高懷自飲無人勸馬有青芻奴白
飯向來珠履玉簪人頗覺斗量車載滿

又

客有遊山者忘攜具而以詞來
索酒用韻以會余時以病不往

山行日日妨風雨風雨晴時君不去牆頭塵滿短轅車
門外人行芳草路城南東野應聯句好記琅玕題字
處也應竹裏著行厨已向甕邊防吏部

又

再和

人間反覆成雲雨，鳬雁江湖來又去。十千一斗飲中仙，
一百八盤天上路。舊時楓落吳江句，今日錦囊無著
處。看封關外水雲侯，剩按山中詩酒部。

又

戲賦
雲山

何人半夜推山去，四面浮雲猜是汝。當時相對兩三峰，
走遍溪頭無覓處。西風瞥起雲橫度，忽見東南天一
柱。老僧拍手笑相誇，且喜青山依舊住。

又

用韻 禽傳巖叟
葉仲洽趙國興

青山不解乘雲去，怕有愚公驚著汝。人間踏地出租錢，
借使移將無著處。三星昨夜光移度，妙語來題橋上。
柱黃花，不插滿頭歸。定向白雲遮且住。

又

無心雲自來還去，元共青山相爾汝。霎時迎雨障崔嵬，
雨過却尋歸路處。侵天翠竹何曾度，遙見屹然星砥柱。
今朝不管亂雲深，來伴仙翁山下住。

又

瘦筇倦作登高去却把黃花相爾汝
嶺頭拭目望龍山
更在雲煙遮斷處
思量落帽人風度休說當年功紀
柱謝公直是愛東山畢竟東山留不住

又

風前欲勸春光住春在城南芳草路
未隨流落水邊花
且作飄零泥上絮
鏡中已有星星誤人不負春春自
負夢回人遠許多愁只在梨花風雨處

又

三三兩兩誰家婦，聽取鳴禽枝上語。
提壺沽酒已多時，婆餅焦時須早去。
醉中忘却來時路，借問行人家住處。
只尋古廟那邊行，更過溪南烏柏樹。

又

寄題文山鄭元英巢經樓

悠悠莫向文山去，要把襟裾牛馬汝。
遙知書帶草邊行，正在雀羅門裏住。
平生挿架昌黎句，不似拾柴東野苦。
侵天且擬鳳凰巢，掃地從他鸚鵡舞。

又

樂令謂衛玠人未嘗夢搗麝餐鐵杵，乘車入鼠穴，以謂世無是事而有是理。樂所謂無猶云有。

也戲作數
語以明之

有無一理誰差別樂令區區猶未達事言無處未嘗無
試把所無憑理說伯夷飢采西山蕨何異搗蘄餐杵
鐵仲尼去衛又之陳此是乘車穿鼠穴

又

隱湖
戲作

客來底事逢迎晚竹裏鳴禽尋未見日高猶苦聖賢心
門外誰酣蜜觸戰多方為渴泉尋徧何日成陰松種
滿不辭長向水雲來只怕頻頻魚鳥倦

又

有自九江以石作觀音像持送者因以詞賦之

琵琶亭畔多芳草時對香爐峰一笑偶然重傍玉溪行
不是白頭誰覺老 普陀大士神通妙影入石頭光了
了看來將獻可無言長似慈悲顏色好

又

乙丑京口奉祠西歸將至仙人磯

江頭一帶斜陽樹總是六朝人住處悠悠興廢不關心
惟有沙洲雙白鷺 仙人磯下多風雨好卸征帆留不
住直須抖擻盡塵埃却趁新涼秋水去

鵲橋仙

為人慶八十
席上戲作

朱顏暈酒方瞳點漆閒
傍松邊倚杖不須更展畫圖看
是箇壽星的模樣
今朝盛事一盃深
勸更把新詞齊唱
人間八十最風流
長貼在兒孫額上

又

和范先之送祐
之弟歸浮梁

小窓風雨從今便憶中
夜笑談清軟啼鴉衰柳自無聊
更管得離人腸斷
詩書事業青氈猶在頭上
貂蟬會見莫貪風月臥江湖
道日近長安路遠

又

壽徐伯
熙察院

多冠風采繡衣聲
價曾把經綸少試
看看有詔日邊來
便入侍明光殿裏
東君未老花明柳媚
且引玉觥沉醉
好將三萬六千場
自今日從頭數起

又

已酉山行
書所見

松岡避暑茆簷避
雨間去閒來幾度
醉扶怪石看飛泉
又却是前回醒處
東家娶婦西家歸
女燈火門前笑
語釀成千頃稻花香
夜夜費一天風露

又

慶岳母
八十

八旬慶會人間盛事齊勸一盃春釀
臙脂小字點眉間
猶記得舊時宮樣綵衣更著功名富貴直過太公以
上大家著意記新詞遇著箇十年便唱

又

贈鷺
鷺

溪邊白鷺來吾告汝溪裏魚兒堪數
主憐汝汝又憐魚
要物我欣然一處
白沙遠浦青泥別渚剩有鰕跳鰕舞
聽君飛去飽時來看頭上風吹一縷

又

席上和趙
晉臣數文

少年風月少年歌舞老去方知堪羨
歎折腰五斗賦歸來問走了羊腸幾遍
高車駟馬金章紫綬傳語渠儂
穩便問東湖帶得幾多春且看凌雲筆健

西江月

采石岸戲
作漁父詞

千丈懸崖削翠一川落日鎔金
白鷗來往本無心選甚風波一任
別浦魚肥堪膾前村酒美重斟
千年往事已沉沉閒管興亡則甚

又壽范南
伯知縣

秀骨青松不老新詞玉佩相磨靈槎準擬泛銀河剩摘

天星幾箇

南伯去歲
七月生子

真枕樓頭風月駐春亭上笙歌留

君一醉意如何金印明年斗大

又和楊民瞻
賦丹桂韻

宮粉厭塗嬌額濃粧再壓秋花西真人醉憶仙家飛珮

丹霞羽化十里芬芳未足一亭風露先加杏腮桃臉

費鉛華終慣秋蟾影下

又

癸丑正月四日三山被召經從
建安席上和陳安行舍人韻

風月亭危致爽管絃聲脆休催主人只是舊情懷錦瑟
傍邊須醉玉殿何曾儂去沙堤正要公来看看紅藥
又翻階趁取西湖春會

又

用韻和李
兼濟提舉

且對東君痛飲莫教華髮空催瓊瑰千字已盈懷消得
津頭一醉休唱陽關別去只今鳳詔歸來五雲兩兩
望三台已覺精神聚會

又 三山
作

貪數明朝重九不知過了中秋人生有得許多愁只有
黃花如舊 萬象亭中殢酒九仙閣上扶頭城鴉喚我
醉歸休細雨斜風時候

又 夜行黃
沙道中

明月別枝驚鵲清風半夜鳴蟬稻花香裏說豐年聽取
蛙聲一片 七八箇星天外兩三點雨山前舊時茆店
社林邊路轉溪橋忽見

又

春晚

賸欲讀書已嬾只今多病長閒聽風聽雨小窓眠過了
春光大半往事數尋去鳥消愁難解連環流鶯不肯
入西園喚起畫梁飛燕

又

木犀

金粟如來出世藥宮仙子乘風清香一袖意無窮洗盡
塵緣千種長為西風作主更居明月光中十分秋意
與玲瓏拚却今宵無夢

又壽祐之弟時
新居落成

畫棟新垂簾幙華燈未放笙歌一盃潋灩泛金波先向
大夫稱賀富貴無應自有功名不用渠多只將綠鬢
抵羲娥金印須教斗大

又遣
興

醉裏且貪歡笑要愁那得工夫近來始覺古人書信著
全無是處昨夜松邊醉倒問松我醉何如只疑松動
要來扶以手推松曰去

又

和趙晉臣數丈
賦秋水瀑泉

八萬四千偈後更誰妙語披襟紉蘭結佩有同心喚取
詩翁來飲 鏤玉裁冰著句高山流水知音胸中不受
一塵侵却怕靈均獨醒

又

悠然
閣

一柱中擎遠碧兩峰旁聳高寒橫陳削盡短長山莫把
一分增減 我望雲煙目斷人言風景天慳被公詩筆
盡追還重上層梯一覽

又

示兒曹以
家事付之

萬事雲煙忽過百年蒲柳先衰而今何事最相宜宜醉
宜遊宜睡 早起催科了納更量出入收支迺翁依舊
管些兒管竹管山管水

又

粉面都成醉夢霜髯能幾春秋來時送我伴牢愁一見
樽前似舊 詩在陰何側畔字居羅趙前頭錦囊來往
幾時休已遣蛾眉等候

朝中措

醉歸祐之弟

籃輿嫋嫋破重岡。玉笛兩紅粧。這裏都愁酒盡，那邊正和詩忙。為誰醉倒，為誰歸去，都莫思量。白水東邊籬落斜陽，欲下牛羊。

又

夜深殘月過山房。睡覺北窓涼。起遶中庭獨步，一天星斗文章。朝來客話，山林鍾鼎，那處難忘。君向沙頭細問白鷗，知我行藏。

又 為人壽

年年黃菊艷秋風更有拒霜紅黃似舊時宮額紅如此
日芳容 青青未老樽前要看兒輩平戎試釀西江為
壽西江綠水無窮

又

年年金蘂艷西風人與菊花同霜鬢經春重綠仙姿不
飲長紅 焚香度日從容笑語儘調兒童一歲一盃為
壽從今更數千鍾

又

九日小集時楊
世長將赴南宮

年年團扇怨秋風，愁絕玉盃空。
山下卧龍丰度，臺前戲馬英雄。
而今休也，花殘一似人老，花同莫怪東籬韻。
減只今丹桂香濃。

清平樂

博山道中即事

柳邊飛鞚，霧濕征衣重。
宿鷺窺沙孤影動，應有魚鰕入夢。
一川明月，疎星浣沙人影，娉婷笑背行人歸去。
門前稚子啼聲。

又

茅簷低小溪上青青草醉裏吳音相媚好白髮誰家翁
媪大兒鋤豆溪東中兒正織雞籠最喜小兒亡賴溪
頭看剝蓮蓬

又

獨宿博山
王氏菴

遠牀飢鼠蝙蝠翻燈舞屋上松風吹急雨破紙窓間自
語平生塞北江南歸來華髮蒼顏布被秋宵夢覺眼
前萬里江山

又

檢校山園
書所見

連雲松竹萬事從今足
拄杖東家分社肉
白酒牀頭初熟
西風梨棗山園兒童偷把長竿
莫遣旁人驚去老
夫靜處閒看

又

斷崖松竹竹裏藏冰玉
路轉清溪三百曲
香滿黃昏雪屋
行人繫馬踈籬折殘
猶有高枝留得東風數點
只緣嬌嫩春遲

又 為兒鐵柱作

靈皇醮罷福祿都來也試引鵲鵲花樹下斷了驚驚怕
怕從今日日聰明更有潭妹嵩兄看取辛家鐵柱無
災無難公卿

又 木犀

月明秋曉翠蓋團團好碎剪黃金數恁小都著葉兒遮
了打來休似年時小窓能有高低無頓許多香處只
消三兩枝兒

又再賦

東園向曉陣陣西風好喚起仙人金小小翠羽玲瓏裝
了一枝枕畔開時羅幃翠幙垂低恁地十分遮護打
窓早有蜂兒

又憶吳江賞木犀

少年痛飲憶向吳江醒明月團團高樹影十里水沉煙
冷大都一點宮黃人間直恁芬芳怕是秋天風露染
教世界都香

又

壽信守
王道夫

此身長健還却功名願枉讀平生三萬卷滿酌金盃聽
勸男兒玉帶金魚能消幾許詩書料得今宵醉也兩
行紅袖爭扶

又

壽趙民則提刑時
新除且素不喜飲

詩書萬卷合上明光殿案上文書看未遍眉裏陰功早
見十分竹瘦松堅看君自是長年若解樽前痛飲精
神便是神仙

又

題上
盧橋

清泉犇快不管青山礙
十里盤盤平世界更著溪山襟帶
古今陵谷茫茫市朝往往耕桑
此地居然形勝似曾小小興亡

又

清詞索笑莫厭銀盃小
應是天孫新與巧剪恨裁愁句
好有人夢斷關河小
窓日飲亡何想見重簾不捲淚
痕滴盡湘娥

又

呈趙昌甫時僕以病止酒
昌甫作詩數篇未及之

雲煙草樹山北山南雨溪上行人相背去惟有啼鴉一
處門前萬斛春寒梅花可煞摧殘使我長忘酒易要
君不作詩難

又

書王德由
主簿扇

溪回沙淺紅杏都開遍鷓鴣不知春水煖猶傍垂楊春
岸片帆千里輕船行人想見歌眠誰似先生高舉一
行白鷺青天

好事近

中秋席上和王路鈴

明月到今宵長是不如人約想見廣寒宮殿正雲梳風掠
夜深休更喚笙歌簷頭雨聲惡不是小山詞就這一場寥索

又

送李復州致一席上和韻

和淚唱陽關依舊字嬌聲穩回首長安何處怕行人歸晚
垂楊折盡只啼鴉把離愁勾引却笑遠山無數被行雲低損

又

席上和王道夫
賦元夕立春

綵勝鬪華燈平把東風吹却喚取雪中明月伴使君行
樂 紅旗鐵馬響春冰老去此情薄惟有前村梅在倩

一枝隨著

又

和城中
諸友韻

雲氣上林梢畢竟非空非色風景不隨人去到而今留
得 老無情味到篇章詩債怕人索却喜近來林下有
許多詞客

菩薩蠻

金陵賞心亭
為葉丞相賦

青山欲共高人語
聯翩萬馬來
無數煙雨却低回
望來終不來
人言頭上髮
總向愁中白
拍手笑沙鷗
一身都是愁

又

用前韻

錦書誰寄相思語
天邊數徧飛鴻數
一夜夢千回
梅花入夢來
漲痕紛樹髮
霜落瀟湘白
心事莫驚鷗
人間千萬愁

又

江山病眼昏如霧送愁直到津頭路
歸念樂天詩人生足別離
雲屏深夜語夢到君知否
玉筋莫偷垂斷腸
天不知

又

書江西
造口壁

鬱孤臺下清江水中間多少行人淚
西北是長安可憐無數山
青山遮不住畢竟東流去
江晚正愁余山深聞鷓鴣

又

西風都是行人恨
馬頭漸喜歸期近
試上小紅樓
飛鴻字字愁
闌干閒倚處
一帶山無數
不似遠山橫
秋波相共明

又

功名飽聽兒童說
看公兩眼明如月
萬里勒燕然
老人書一編
玉階方寸地
好趁風雲會
他日赤松游
依然萬戶侯

又送祐之弟
歸浮梁

無情最是江頭柳長條折盡還依舊木葉下平湖雁來
書有無雁無書尚可好語憑誰和風雨斷腸時小山

生桂枝

又送鄭守厚
卿赴闕

送君直上金鑾殿情知不久須相見一日甚三秋愁來
不自由九重天一笑定是留中了白髮少經過此時
愁奈何

又送曹君
之莊所

人間歲月堂堂去
勸君快上青雲路
堅處一燈傳工夫
螢雪邊
麴生風味惡
辜負西窓約
沙岸片帆開
寄書
無雁來

又
席上分賦
得櫻桃

香浮乳酪玻璃盃
年年醉裏嘗新慣
何物比春風
歌唇
一點紅
江湖清夢斷
翠籠明光殿
萬顆瀉輕勻
低頭
愧野人

又

賦摘阮

阮琴斜挂香羅綬玉纖初試琵琶手桐葉雨聲乾珍珠
落玉盤朱絃調未慣笑倩東風伴莫作別離聲且聽
雙鳳鳴

又

雪樓賞牡丹席上用楊民瞻韻

紅芽籤上羣仙客翠羅蓋底傾城色和雨淚闌干沉香
亭北看東風休放去怕有流鶯訴試問賞花人曉粧
勻未勻

又

和盧國華提刑

旌旗依舊長亭路樽前試點鶯花數何處捧心顰人間
別樣春功名君自許少日聞鷄舞詩句到梅花春風
十萬家

卜算子

尋春作

脩竹翠蘿寒遲日江山暮幽逕無人獨自芳此恨知無
數只共梅花語嬾逐遊絲去著意尋春不肯香香在
無尋處

又

為人賦
荷花

紅粉靚梳粧翠蓋低風雨占斷人間六月涼
明月鴛鴦浦根底藕絲長花裏蓮心苦
只為風流有許愁更襯

佳人步

又

聞李正之
茶馬討音

欲行且起行欲坐重來坐坐坐行行有倦時
更枕閒書卧病是近來身嬾是從前我淨掃
瓢泉竹樹陰且恁隨緣過

又飲酒

盜跖儻名丘孔子如名跖跖聖丘愚直到今美惡元無別
簡策寫虛名螻蟻侵枯骨千古光陰一霎時且進
盃中物

又用莊語

一以我為牛一以我為馬人與之名受不辭善學莊周
者江海任虛舟風雨從飄瓦醉者乘車墜不傷全得
於天也

又

漫興

夜雨醉瓜廬春水行秧馬點檢田間快活人未有如翁
者 掃禿兔毫錐磨透銅臺瓦誰伴揚雄作解嘲烏有
先生也

又

珠玉作泥沙山谷量牛馬試上纍纍丘隴看誰是彊梁
者 水浸淺深簷山壓高低瓦山水朝來笑問人翁早
歸來也

又

漢代李將軍奪得匈奴馬
李蔡為人在下中却是封侯者
芸草去陳根篲竹添新瓦
萬一朝廷舉力田舍我其誰也

又 用韻 舍趙晉臣數文趙有真得歸方是閒堂句

百郡怯登車
千里輸流馬
乞得膠膠擾擾身却笑區區者
野水玉鳴渠急雨珠跳瓦
一榻清風方是閒真是歸來也

又

萬里只浮雲一噴空凡馬歎息曹瞞老驥詩伏櫪如公
者山鳥哢窺簷野鼠飢翻瓦我老癡頑合住山此地
菟裘也

又

落齒

剛者不堅牢柔的難摧挫不信張開口角看舌在牙先
墮已闕兩邊廂又豁中間箇說與兒曹莫笑翁狗竇
從君過

又

飲酒
成病

一箇去學仙一箇去學佛仙飲千盃醉似泥皮骨如金石
不飲便康彊佛壽須千百八十餘年入涅槃且進
盃中物

又

飲酒不
寫書

一飲動連宵一醉長三日廢盡寒溫不寫書富貴何由
得請看冢中人冢似當時筆萬札千言只恁休且進
盃中物

醜奴兒

醉中有歌此詩以
勸酒者聊舉括之

晚來雲淡秋光薄
落日晴天落
日晴天堂上風斜
畫燭煙從渠去
買人間恨字
字都圓
字字都圓
腸斷西風
十四絃

又

尋常中酒扶頭後
歌舞支持歌舞支持
誰把新詞喚住
伊臨歧也有
傍人笑笑已爭知
笑已爭知
明月樓空
燕子飛

又書博山
道中壁

煙蕪露芰荒池柳洗雨烘晴洗雨烘晴一樣春風幾樣
青提壺脫袴催歸去萬恨千情萬恨千情各自無聊
各自鳴

又

此生自斷天休問獨倚危樓獨倚危樓不信人間別有
愁君來正是眠時節君且歸休君且歸休說與西風
一任秋

又

少年不識愁滋味愛上層樓愛上層樓為賦新詞彊說
愁而今識盡愁滋味欲說還休欲說還休却道天涼

好箇秋

又

近來愁似天來大誰解相憐誰解相憐又把愁來做箇
天都將今古無窮事放在愁邊放在愁邊却自移家
向酒泉

又

和鉛山陳
簿韻二首

鵝湖山下長亭路
明月臨關明月臨關
幾陣西風落葉乾
新詞誰解裁冰雪
筆墨生寒筆墨生寒
會說離愁千萬般

又

年年索盡梅花笑
疎影黃昏疎影黃昏
香滿東風月一痕
清詩冷落無人寄
雪豔冰魂雪豔冰魂
浮玉溪頭煙樹村

浣溪沙

潭興作

未到山前騎馬回
風吹雨打已無梅
共誰消遣兩三盃
一似舊時春意思
百無事處老形骸
也曾頭上戴花來

又

黃沙嶺

寸步人間百尺樓
孤城春水一沙鷗
天風吹樹幾時休
突兀起人山石狠
朦朧避路野花羞
人家平水廟東頭

又壽內
子

壽酒同斟喜有餘
朱顏却對白髭鬚
兩人百歲恰乘除
婚嫁剩添兒女拜
平安頻拆外家書
年年堂上壽星圖

又瓢泉
偶作

新葺茆簷次第成
青山恰對小窓橫
去年曾共燕經營
病却盃盤甘止酒
老依香火苦翻經
夜來依舊管絃聲

又

士子春赴
閩別瓢泉

細聽春山杜宇啼一聲聲是送行詩朝來白鳥背人飛
對鄭子真嵒石臥赴陶元亮菊花期而今堪誦北山
移

又

常山道
中即事

北隴田高踏水頻西溪未早已嘗新隔牆沽酒煮纖鱗
忽有微涼何處雨更無留影霎時雲賣瓜人過竹邊
村

又

偕杜叔高吳子
似宿山寺戲作

花向今朝粉面勻
柳因何事翠眉顰
東風吹雨細於塵
自笑好山如好色
只今懷樹更懷人
閒愁閒恨一翻新

又

歌串如珠箇箇勻
被花勾引笑和顰
向來驚動畫梁塵
莫倚笙歌多樂事
相看紅紫又拋人
舊巢還有燕泥新

又

父老爭言雨水勻，眉頭不似去年顰。
殷勤謝却甌中麴，啼鳥有時能勸客。
小桃無賴已撩人，梨花也作白头新。

又

別杜叔高

這裏裁詩話別離，那邊應是望歸期。
人言心急馬行遲，去雁無憑傳錦字。
春泥抵死污人衣，海棠過了有荼蘼。

又

席上趙景山提
幹賦溪臺和韻

臺倚崩崖玉滅痕青山却作捧心顰
遠林煙火幾家村
引入滄浪魚得計展成寥闊鶴能言
幾時高處見層
軒

又

妙手都無斧鑿痕
飽叅佳處却成顰
恰如春入浣花村
筆墨今宵光有艷
管絃從此悄無言
主人席次兩眉
軒

又

種松
未成

草木於人也作疎秋來咫尺異榮枯空山歲晚孰華金
孤竹君窮猶抱節赤松子嬾已生鬚主人相愛肯留
無

又

種梅
菊

百世孤芳肯自媒直須詩句與推排不然喚起酒邊來
自有陶潛方有菊若無和靖即無梅祇今何處向人
開

又

別澄上人併
送性禪師

梅子生時到幾回
桃花開後不須猜
重來松竹意徘徊
慣聽禽聲應可譜
飽觀魚陣已能排
晚風挾雨喚歸來

山花子

答傅巖叟
酬春之約

艷杏夭桃兩行排
莫攜歌舞去相催
次第不堪供醉眼
去年栽
春意纔從梅裏過
人情都向柳邊來
咫尺東家還又有海棠開

又

用韻謝傅巖
史瑞香之惠

句裏明珠字字排多情應也被春催怪得名花和淚送
雨中裁赤脚未安芳斛穩娥眉早把橘枝來報道錦
薰籠底下麝臍開

又

三山
戲作

記得瓢泉快活時長年耽酒更吟詩幕地捉將來斷送
老頭皮遠屋人扶行不得閒窓學得鷓鴣啼却有杜
鵑能勸道不如歸

又

日日閒看燕子飛
舊巢新壘畫簾低
玉厯今朝推戊巳
却啣泥
先自春光留不住
那看更著子規啼
一陣晚
香吹不斷落花溪

又

與客賞山茶一
朶忽墮地戲作

酒面低迷翠被重
黃昏院落月朦朧
墮髻啼粧孫壽醉
泥秦宮
試問花留春幾日
畧無人管雨和風
瞥向綠
珠樓下見墜殘紅

又

蘭傳
品雙

總把平生入醉鄉
大都三萬六千場
今古悠悠多少事
莫思量
微有些寒春雨好
更無尋處野花香
年來去年來
還又笑燕飛忙

又

用前韻謝傅巖
史魏名花鮮萼

楊柳溫柔是故鄉
紛紛蜂蝶去年場
大率一春風雨事
最難量
滿把攜來紅粉面
堆盤更覺紫芝香
幸自麴生閒去了
又教忙

饒止
酒

又

病起獨
坐停雲

彊欲加餐竟未佳只宜長伴病僧齋心似風吹香篆過
也無灰山下朝來雲出岫隨風一去未曾回次第前
村行雨了合歸來

虞美人

賦茶
蘼

羣花泣盡朝來露爭奈春歸去不知庭下有茶蘼偷得
十分春色怕春知淡中有味清中貴飛絮殘紅避露
華微浸玉肌香恰似楊妃初試出蘭湯

又

壽趙文
鼎提舉

翠屏羅幙遮前後舞袖翻長壽紫髯冠佩御爐香看取
明年歸奉萬年觴今宵池上蟠桃席咫尺長安日寶
煙飛焰萬花濃試看中間白鶴駕仙風

又

用前
韻

一盃莫落他人後富貴功名壽胸中書傳有餘香寫得
蘭亭小字記流觴問誰分我漁樵席江海消閒日看
看天上拜恩濃却怕畫樓無處著春風

又

賦虞美人草

當年得意如芳草日日春風好
拔山力盡忽悲歌飲罷
虞兮從此奈君何
人間不識精誠苦
貪看青青舞
蕭然歛袂却亭亭
怕是曲中猶帶楚歌聲

浪淘沙

山寺夜半聞鐘

身世酒盃中萬事皆空
古來三五箇英雄
雨打風吹何處是
漢殿秦宮
夢入少年叢歌舞
匆匆老僧夜半誤
鳴鐘驚起西窓眠
不得捲地西風

又

賦虞美人草

不肯過江東玉帳匆匆只今草木憶英雄
唱著虞兮當日曲便舞春風
兒女此情同往事朦朧湘娥竹上淚
痕濃舜目重瞳堪痛恨羽又重瞳

又

送吳子似縣尉

金玉舊情懷風月追陪扁舟千里興佳哉
不似子猷行半路却棹船回
來歲菊花開記我清盃西風雁過鎖
山臺把似倩他書不到好與同來

減字木蘭花

宿僧房
有作

僧窓夜雨茶鼎薰爐宜小住却恨春風勾引詩來惱殺
翁狂歌未可且把一樽料理我我到亡何却聽農家
陌上歌

又

昨朝官告一百五年村父老更莫驚疑剛道人生七十
稀使君喜見恰遇華堂開壽宴問壽如何百代兒孫
擁太婆

又

長沙道中壁上
有婦人題
字若有恨者
用其意為賦

盈盈淚眼往日青樓天樣遠
秋月春花輸與尋常姊妹
家水村山驛日暮行雲無氣力
錦字偷裁立盡西風
雁不來

南歌子

山中
夜坐

世事從頭減秋懷徹底清
夜深猶送枕邊聲
試問清溪底事未能平
月到愁邊白雞先遠處鳴
是中無有利和名
因甚山前未曉有人行

又

獨坐
蕉菴

玄入參同契，禪依不二門。
細看斜日隙，中塵始覺人。
何處不紛紛，病笑春先到。
閒知嬾是真，百般啼鳥苦。
撩人除却提壺，此外不堪聞。

又

新聞池
戲作

散髮披襟處，浮瓜沉李時。
涓涓流水細，侵階鑿箇池兒。
喚箇月兒來，画棟頻搖動。
紅蕖盡倒開，鬪勻紅粉照。
香腮有箇人兒，把箇鏡兒猜。

醉太平

春景

態濃意遠眉顰笑淺薄羅衣窄絮風軟鬢雲欺翠捲

南園花樹春光暖香徑裏榆錢滿欲上鞦韆又驚嬾且

歸休怕晚

漁家傲

為余伯熙察院壽信之識云水打烏龜石
三台出此時伯熙舊居城西直龜山之北

溪水蓄山足矣意伯熙當之耶伯熙學道有新
功一日語余云溪上嘗得異石有文隱然如記

姓名且有長生等字余未之見也
因其生朝姑撫二事為詞以壽之

道德文章傳幾世到君合上三台位自是君家門戶事

當此際龜山正抱西江水
三萬六千排日醉鬢毛只
恁青青地江裏石頭爭獻瑞
分明是中間有箇長生字

錦帳春

杜叔高
席上

春色難留酒盃常淺更舊恨新愁相間
五更風十里夢看飛紅幾片
這般庭院幾許風流幾般嬌嬾
問相見何如不見燕飛忙
鶯語亂恨重簾不捲翠屏平遠

太常引

建康中秋夜
為呂潛叔賦

一輪秋影轉金波飛鏡又重磨
把酒問姮娥被白髮欺

人奈何 乘風好去長空萬里直下看山河斫去桂婆
娑人道是清光更多

又

壽韓南
潤尚書

君王著意履聲間便合押紫宸班今代又尊韓道吏部
文章泰山 一盃千歲問公何事早伴赤松閒功業後
來看似江左風流謝安

又

賦十
四絃

仙機似欲織織羅髻度金梭無奈玉纖何却彈作清

商恨多 朱簾影裏如花半面絕勝隔簾歌世路苦風
波且痛飲公無渡河

又

壽趙晉
臣數文

論公耆德舊宗英吳季子百餘齡奉使老於行更看舞
聽歌最精 須同衛武九十入相策竹自青青富貴出
長生記門外清溪姓彭

彭溪晉
臣居也

東坡引

閨怨

玉纖彈舊怨還敲繡屏面清歌自送西風雁雁行吹字

斷雁行吹字斷 夜深拜半月鎖窓西畔但桂影空階
滿翠帷自掩無人見羅衣寬一半羅衣寬一半

又

君如梁上燕妾如手中扇團團青影雙雙伴秋來腸欲
斷秋來腸欲斷 黃昏淚眼青山隔岸但咫尺如天遠
病來只謝傍人勸龍華三會願龍華三會願

又

花梢紅未足條破驚新綠重簾下徧闌干曲有人春睡

熟有人春睡熟 鳴禽破夢雲偏目蹙起來香腮褪紅
玉花時愛與愁相續羅裙過半幅羅裙過半幅

夜遊宮

客 苦 俗

幾箇相知可喜才厮見說山說水顛倒爛熟只這是怎
奈何一回說一回美 有箇尖新底說底話非名非利
說的口乾罪過你且不罪俺畧起去洗耳

戀繡衾

無 題

長夜偏冷添被兒枕頭兒移了又移我自是笑別人底

却元來當局者迷 如今只恨因緣淺也不曾抵死恨
伊合手下安排了那筵席須有散時

杏花天

無題

病來自是於春嬾但別院笙歌一片蛛絲網遍玻璃盞
更問舞裙歌扇 有多少鶯愁蝶怨甚夢裏春歸不管
楊花也笑人情淺故故沾衣撲面

又

牡丹昨夜方開徧畢竟是今年春晚荼蘼付與薰風管

燕子忙時鶯嬾
多病起日長人倦不待得酒闌歌散
甫能得見茶甌面却早安排腸斷

又
嘲牡丹

牡丹比得誰顏色似宮中太真第一漁陽鼙鼓邊風急
人在沉香亭北買栽池館多何益莫虛把千金拋擲
若教解語應傾國一箇西施也得

唐河傳

倣花間體

春水千里孤舟浪起夢攜西子覺來村巷夕陽斜幾家

短牆紅杏花 晚雲做造些兒雨
折花去岸上誰家女
太狂顛那邊柳線被風吹上天

醉花陰

為人壽

黃花謾說年年好也
趣秋光老綠鬢不驚秋
若闌樽前人好花堪笑
蟠桃結子知多少
家住三山島何日跨
飛鸞滄海飛塵人世因緣了

品令

族姑慶八十
來索俳語

更休說便是箇住世觀音菩薩甚
今年容貌八十歲見

底道纔十八 莫獻壽星香燭莫祝靈椿龜鶴只消得
把筆輕輕去十字上添一撇

惜分飛

春思

翡翠樓前芳草路寶馬墜鞭暫駐最是周郎顧幾度歌
聲誤 望斷碧雲空日暮流水桃源何處聞道春歸去
更無人管飄紅雨

柳梢青

和范先之席上賦牡丹

姚魏名流年年攪斷雨恨風愁解釋春光剩須破費酒

令詩籌 玉肌紅粉溫柔更染盡天香未休今夜簪花
他年第一玉殿東頭

又 三山歸途代
白鷗見嘲

白鳥無猜相憐相笑滿面塵埃華髮蒼顏去時曾勸聞
早歸來 而今豈是高懷為千里尊羹計哉好把移文
從今日日讀取千回

又 辛酉生日前兩日夢一道士話長年之
術夢中痛以理折之覺而賦八難之辭

莫鍊丹難黃河可塞金口成難休辟穀難吸風飲露長

忍飢難 勸君莫遠遊難何處有西王母難休采藥難
人沉下土我上天難

河瀆神

女城祠效
花間體

芳草綠萋萋斷腸絕浦相思山頭人望翠雲旗蕙有桂
酒君歸 惆悵畫簷雙燕舞東風吹散靈雨香火冷殘
簫鼓斜陽門外今古

武陵春

春興

桃李風前多嫵媚楊柳更溫柔喚取笙歌爛漫遊且莫

管閨愁 好趁晴時連夜賞雨便一春休草草盃盤不
要收纔晚又扶頭

又

走去走來三百里五日以為期六日歸時已是疑應是
望多時 鞭笞馬兒歸去也心急馬行遲不免相煩喜
鵲兒先報那人知

謁金門

無題

遮索月雲外金蛇明滅翻樹啼鴉聲未徹雨聲驚落葉

寶炬成行嫌熱玉腕藕絲誰雪流水高山絃斷絕
蛙聲自咽

又

山吐月畫燭從教風滅一曲瑤琴纔聽徹金蕉三兩葉
驟雨微涼還熱似欠舞瓊歌雪近日醉鄉音問絕有
時清淚咽

又

歸去未風雨送春行李一枕離愁頭徹尾如何消遣是

遙想歸舟天際綠鬢瓏璵慵理好夢未成鶯喚起粉
香猶有殢

酒泉子

題冊

流水無情潮到空城頭盡白離歌一曲怨殘陽斷人腸
東風官柳舞雕牆三十六宮花濺淚春聲何處說興
亡燕雙雙

霜天曉角

與旅

吳頭楚尾一棹人千里休說舊愁新恨長亭樹今如此

宦游吾倦矣玉人留我醉明日落花寒食得且住為佳耳

又

暮山層碧掠岸西風急一葉軟紅深處莫不是利名客
玉人還佇立綠窓生怨泣萬里衡陽歸恨先倩雁寄消
息

點絳脣

留博山寺聞光風主人
微恙而歸時春漲斷橋

隱隱輕雷雨聲不受春回護落梅如許吹盡牆邊去

春水無情礙斷溪南路憑誰訴寄聲傳語沒箇人知處

又

身後虛名古來不換生前醉青鞋自喜不踏長安市

竹外僧歸路指霜鐘寺孤鴻起丹青手裏剪破松江水

生查子

山行寄
揚民瞻

昨宵醉裏行山吐三更月不見可憐人一夜頭如雪

今宵醉裏歸明月關山笛收拾錦囊詩要寄揚雄宅

又

民瞻見和
再用韻

誰傾滄海珠簫弄千明月喚取酒邊來軟語裁春雪
人間無鳳凰空費穿雲笛醉裏却歸來松菊陶潛宅

又

有覓祠
者為賦

去年燕子來繡戶深深處花徑得泥歸都把琴書污
今年燕子來誰聽呢喃語不見捲簾人一陣黃昏雨

又

獨遊
西巖

溪邊照影行天在清溪底天上有行雲人在行雲裏
高歌誰和余空谷清音起非鬼亦非仙一曲桃花水

又

青山招不來，偃蹇誰憐汝。
歲晚太寒生，喚我溪邊住。
山頭明月來，本在天高處。
夜夜入清溪，聽讀離騷去。

又

青山非不佳，未解留儂住。
赤脚踏層冰，為愛青溪故。
朝來山鳥啼，勸上山高處。
裁意不闌渠，自在尋詩去。

又

簡吳子
似縣尉

高人千丈崖，太古儲冰雪。
六月火雲時，一見森毛髮。

俗人如盜泉照影成昏濁高處掛吾瓢不飲吾寧渴

又

和趙晉臣
數文春雪

浸天春雪來纔抵梅花半最愛雪邊人些些裁成亂
雪兒偏解歌只要金盃滿誰道雪天寒翠袖闌干暖

又

梅子褪花時直與黃梅接煙雨幾曾開一春江裏活
富貴使人忙也有閒時節莫作路旁花長教人看殺

又

題京口郡
治塵表亭

悠悠萬世功
矻矻當年苦
魚自入深淵
人自居平土
紅日又西沉
白浪長東去
不是望金山
我自思量禹

尋芳草

嘲陳莘
斐憶內

有得許多淚
更閒却許多
鴛被枕頭兒
放處都不是
舊家時怎生
睡更也沒書
來那堪被雁
兒調戲道無
書却有書中
意排幾箇人
人字

阮郎歸

來陽道中為張
處父推官賦

山前燈火欲黃昏
山頭來去雲
鷓鴣聲裏數家村
瀟湘

逢故人 揮羽扇整綸巾少年鞍馬塵如今憔悴賦招魂
魂儒冠多誤身

昭君怨

豫章寄張守定叟

長記瀟湘秋晚歌舞橘洲人散走馬月明中折芙蓉
今日西山南浦畫棟朱簾雲雨風景不爭多奈愁何

又

送晁楚老遊荆門

夜雨剪殘春韭明日重斟別酒君去問曹瞞好公安
試看如今白髮却為中年離別風雨正催鬼早歸來

又

人面不如花面花到開時重見獨倚小闌干許多山
落葉西風時候人共青山都瘦說到夢陽臺幾曾來

烏夜啼

山行約范
先之不至

江頭醉倒山公月明中記得昨宵歸路笑兒童 溪欲
轉山已斷兩三松一段可憐風月欠詩翁

又

先之見和
後用韻

人言我不如公酒盃中更把平生湖海問兒童 千尺

蔓雲葉亂繫長松却笑一身纏繞似衰翁

又

晚花露葉風條燕燕高行過長廊西畔小紅橋
歌再
唱人再舞酒纔消更把一盃重勸摘櫻桃

一絡索

閨思

羞見鑑鸞孤却倩人梳掠一春長是為花愁甚夜夜東
風惡
行遶翠簾珠箔錦牋誰托玉觴淚滿却停觴怕
酒似郎情薄

又

信守王道夫席上用
遠夫賦金林檎韻

錦帳如雲高處不知重
數夜深銀燭淚成行
算都把心期付
莫待燕飛泥污問
花花訴不知花定有
情無似却怕新詞妒

如夢令


賦梁燕

燕子幾曾歸去
只在翠巖深處
重到畫梁間
誰與舊巢為主
深許深許
聞道鳳凰來住

憶王孫

秋江送別
集古句

登山流水送將歸。悲莫悲兮生別離。不用登臨怨落暉。
昔人非。惟有年年秋雁飛。



稼軒詞卷四